

MAC-TALLA.

"An ni nach cluinn mi an diugh cha'n aithris mi maireach."

VOL. I.

SIDNI, C. B., DI-SATHAIRNE, IUN 18, 1892.

No. 4.

E. T. MOSELEY, Q. C.,

Comhairliche, Fear-tagraidh,
&c.,

SIDNI, C. B.

Murray & Mac Coinnich,

Comharlaichean, Fir-tagraidh,
&c.,

SIDNI TUATH, C. B.

G. H. MURRAY. D. D. MAC COINNICH.

HEARN & HEARN,

Fir-Tagraidh, Notairean,
&c., &c.,

SIDNI & ARICHAT.

J. H. HEARN.

D. A. HEARN.

SEUMAS A. CAIMBEUL,

Brioscaidean, Nithean-milis
Ti, Siucar, Cofi, Tombac'
agus Sigars.

SIDNI, C. B.

THUGAIBH FANEAR.

Reic W. E. Peters ri F. Falconer an obair-dhiolaidearachd a bha e cuir air adhart ann an Sidni.

Bidh an obair sin air a cumail air adhart anns an aite cheudna le ARTHUR FALCONER, a bha o chionn ghoirid ag obair anns na taighean diolaidearach a's fhearr a tha m Boston.

ACFHUINN EACH DHE GACH SEORSA

air laimh

F. FALCONER.

Sidni, C. B., Mai 26, 1892.

FAICIBH SO.

Tha MAC-TALLA ri reic gach seachduinn anns na h-aitean a leanas:

Sidni, Iain A. MacCoinnich.
Sidni Tuath, Wilson & Co.
Pietou, Seumas Mac 'Illeain.

ROR RUADH 'SAN T-AMADAN.

Nuair a bha Rob Ruadh MacGhriogair aig 'airde anns a Ghaeltachd, bha duin-uasal 'na uachdran air Dunbheagain da'm b'ainm Tormod MacLeoid. Bha na Leodaich nan uachdran air Dunbheagain ceudan bliadhna roimhe sin agus tha'n sliochd ann gus an latha 'n diugh. Bha Tormoid so na dhuine cho ainmeil 'sa bha dhiubh riamh, agus bha e na dhluth-charaide do Rob Ruadh. Innsidh sinn cia mar a thainig iad gu bhi mar sin.

Bha MacLeoid air am araidh ag iarraidh airgid a bha aige 'n Inbhirnis a thoirt gu Dunbheagain. Thug e ordugh do aon de sheirbhiseich a dhol ga iarraidh, ach bha eagal air an duine sin gu'n coinnicheadh Rob ris. Bha fhios aige gu robh Rob, aig a cheart am sin, am falach an ait-eigin eadar an t-Eilein Sglathanach 'us Inbhirnis. Bha leth-chiallach de dhuine mu'n cuairt de Dhunbheagain, aig an am sin, agus dhasan dh'innis an seirbhiseach an cas anns an robh e. Dh'fhalbh an t-amadan 'sa mhionaid far an robh Mac Leoid, agus thairg e dhol a dh'airaidh an airgid an aite 'n duin 'eile. Dh'aontaich a mhaighstir ri sin gu toilichte.

Dh'fhalbh e, agus air an t-slighe gu Inbhirnis, a direadh bruthaich chas, thachair air duine mor briagha, a dh'fheoraich dheth c'aite 'n robh e dol. Dh'innis e sin, agus dh'fheoraich an coigreach de'n gnothuch air an robh e. Fhreagair esan gu robh e dol a dh'airaidh airgid a dh'fhag a mhaighstir ann an Inbhirnis. "Feumaidh gu bheil do mhaighstir gle bheairteach," ars an coigreach. "O, tha e gu math air a dhoigh" ars an t-amadan. "Am bi moran airgid agad a tilleadh?" "Bithidh, ma dh'fhaoidte mile punnd," ars an t-amadan, gu bosdail. "Feuch gu 'n gabh thu curam dheth, ma ta," ars an coigreach. "Tha mi'n dochas gu'n tachair sinn fhathast." "Tha mi fhein 'san dochas sin cuideachd," ars am fear eile. Chum e air adhart an sin gu Inbhirnis, agus fhuair e'n t-airgid. Air

a thilleadh, stad e a leigeil anail faisg air an aite aig am fac e 'n coigreach air a thurus gu Inbhirnis. 'S gann a bha e air suidhe 'nuair a chunnaic e an ceart duine a marcachd air each eireachdail, a tigh 'nn far an robh e. Dh'fhaighnich e dhe'n amadan an deashaidh a ghuothuch leis gu math anns a bhaile. "O, chaidh, gle mhath" ars esan. Shaoil leis gu'm bu duine mor, inbheach, an coigreach, leis cho greadhnach 'sa bha e fein san t-each air an uidheamachadh. "Tha mi 'n dochas," ars an duine, "gu bheil an t-airgid tearuinte, oir tha agad ri thorib dhomhsa." Cha robh fhios aig an sgalaig de dheanadh e, ach ann an tiotadh fhreagair e. "Cha'n urrainn domh airgid ma mhaighstir a thoirt seachad." "Ach, feumaidh tu thoirt seachd," ars am fear eile. "Is mise Rob Ruadh!" "Cha toir mi dhuit idir e" ars an t-amadan 'se air chrith leis an eagal. "Cuiridh mi 'm peilear romhad, mur toir" arsa Rob. 'Nuair a chunnaic an t-amadan nach robh ann dha ach an darra cuid, an t-airgid a thoirt seachad, no bas fhaighin, thug e pasgan beag as a bhroilleach agus, "Sid agad e" ars esan, 'se 'ga thilgeil sios am bruthach. Leum Rob bharr an eich agus ruith e sios, mar a shaoil leis, an deigh an airgid. Ann an tiotadh bha'n t-amadan ann an diolaid Roib agus thog e rithe gu toilichte, oir cha robh anns a phasgan ach paidhir stocaianean, agus bha'n t-airgid aige na phocaid. Chaidh Rob, mar so, fhagail air delreadh, gun fhios aige co bu teoma e fein no'n t-amadan.

Nuair a thainig am marcaiche faisg air Caisteal an Leodaich, chunnaic am fear-fair' e, 's cha robh fhios aige co'm fear staitail a bh'ann, 's chaidh e le cabhaig a dh'fheorach de Mhac-Leoid an leigeadh e 'n duin uasal a stigh. Thuirt Mac-Leoid gu'n leigeadh, nach deanadh aon duine cron sam bith orra. Nuair a chunnaic iad co a bh'aca bha iongatas mor orra. "C'ait an d'fhuair thu an t-each sin?" arsa Mac-Leoid. Dh'innis an t-amadan, agus chord an sgeul ri Tormoid gu fior mhath. Ach 'nuair a rannsaich iad an diolaid fhuair iad moran airgid a bharrachd air na thug an sgalaig a Inbhirnis. Thuirt Mac-Leoid an sin ris an amadan gu feumadh e dhol air ais gu Rob le 'each 's le 'airgid. Bha e gle leisg air sin a dheanamh, ach m'a dheireadh rinn e mar dh'aithneadh dha, 's bha 'n t-amadan 's Rob Ruadh 's Mac-Leoid na'n cairdean mor' aige 'cheile riamh tilleadh.

MAC-TALLA.

B'ìdh MAC-TALLA air a chuir a mach uair 'san t-seachdainn air maduinn Di-Sathairne. A phris 50 sent 'sa bhliadhna; aon aireamh 2 shent.

Bidh am fear-deasachaidh toilichte bhi cluinntinn o chairdean na Gaelig ge be aite 'm bheil iad agus bidh e ro-thaing il airson dad sam bith a chuidicheas le MAC-TALLA, litrichean, naidheachdan, &c., &c. Feumaidh gach ni dhe'n t-seorsa sin a bhi sgrìobhte air aon taobh dhe'n phaipeir.

Seolaibh gach litir 'us eile gu

J. G. MCKINNON,
MAC-TALLA,
Sydney, C. B.

SIDNI, DI-SATHAIRNE, IUN 18, 1892.

Tha daoine tachairt ruinn an sid' san so nach gabh gnothuch ri MAC-TALLA a chionn gu bheil iad a gabhail pailteas phaipearan cheana. Their iad gu'm b'fhior thoigh leo bhi 'ga gabhail, ach gu bheil aca, mar tha, barrachd 'sa's urrainn daibh a leughadh. Their iad, mar an ceudna, gu'm b'fhearr leo MAC-TALLA na cach uile a choinn gun paipear Gaelig e, ach cha teid iad n'is fhaide na sin. Siad so na ceart daoine 'bhios a ruith sios nam paipearan Beurla air son nach eil Gaelig annta. B'ìdh iad gu tric a moladh na Gaelig 's a gearain gu bheil daoine ga leigeil air dichuimhne. Ach 'nuair a gheibh iad cothrom mar so air a bhi cuideachadh leis a mhuinntir le'm miann a Ghaelig a chumail air chuimhne, cha gabh iad e. Tha feadhainn eile 'ghabhas orra fein nach teid ac' air Gaelig a leughadh. 'Surrainn daibh beagan leughaidh a dheanamh, ach cha gabhadh iad orra fein paipear naidheachd a leughadh. Tha cuid eil a fantuinn air ais a chionn gu bheil eagal orra nach mair MAC TALLA beo uine sam bith, agus gu'n cailleadh iad beagan sgillinnean air a thailleabh. Riu sin, theireamaid nach eil curam sam bith dhaibh. Tha cairden gu leor aig MAC-TALLA, a ni nis urrainn daibh gus a chumail beo, 's tha iad a dol an lionmhoireachd gach latha. Theireamaid ris gach aon le'm bu toil sean chanaid nam beann a chumail beo, iad a dheanamh an dichill air am paipear so a chumail air adhart o nach eil paipear Gaelig anns an duthaich ach e fein. Bidh e na mhasladh do na Gaelil ma leigeas iad leis an aon phaipear a th'aca nan cainnt fein a dhol bas.

Ged nach eil a Ghaelig air chor sam bith gann bhriathrach no'n taing a bhi gabhail lasaid o chanain eile, tha fhios againn uile gu bheil e na chleachdadh aig moran a bhi cuir facal beurla 'stigh an sid' san so. Agus cha'n urrainn sinn coire sam bith a chuir

orra sin, oir tha fhios againn gu bheil moran fhaclan air an cleachdadh an diugh nach tugadh riamh gu Gaelig cheart. B'ann diubh so *subscriber* 'nuair a thainig MAC-TALLA 'mach. Dh'fheuch sinn ri facal fhaotainn a sheasadh na aite agus a t'itigeadh neach air bith, ach cha d'fhuair sinn e. B'fheudar dhuinn, mar sin, am facal sin a ghabhail mar a bha e. Tha sinn an comain na muinntir a rinn na dh' fhaodadh iad gu facal ceart a thoirt duinn, agus tha sin an dochas nach sguir iad de'n deagh obair, ach gun toir iad ionnsaidh air Gaelig a chuir air facail eile, mar tha *train, telegram, telephone, engine, hotel*, agus iomadh facal eile dhe'n t-seorsa sin. Tha so na chothrom math do sgoilearan Gaelig air an cuid foghlum a nochdadh, 's tha sinn an dochas nach bi iad leisg air sin a dheanamh.

Bheir ar leughadairean fanear gu'n do chleachd sinn facal Beurla anns a cheud aireamh de MHAC TALLA, se sin *subscriber*. Bheir iad fanear, mar an ceudna, gu'n tug feadhainn eile ionnsaidh air facal Gaelig a thoirt duinn 'na aite. Thug an *Casket* facal duinn an toiseach, se sin *fo sgrìobhair*. Se'm facal sin an fhior Ghaelig air *subscriber*, ach cha'n eil e freagarach a thaobh neach a bhios a gabhail paipeir. Tha neach eile cleachdadh *rusbadair* agus anns an aireamh so tha cuid-eigin a toirt *fear-aontachaidh* mar ainn air *subscriber*. Cha'n eil aon duibh so a fìor chordadh ruinn. Anns an airamh riomh so, tha Dr. Blair, sgoilear Gaelig cho math 's a tha ri fhaotainn, ag radh gu' biodh *gabhaltach* na dheagh fhacal, agus, areir ar barail-ne 'se ainm a's fhearr a fhuair sinn fhathast. Bidh sinn, ma ta, a cleachdadh an fhacail so 'an aite *subscriber* gus am faigh sinn facal ni's fhearr, ma tha sin ri fhaotainn.

Tha sinn a cluinntinn, nach bi an t-each-iaruinn a fagail Shidni cho trath 'sa mhaduinn, 'na dheigh so. Bidh e fagail aig cairteal gu aon uair deug sa mhaduinn 'sa tilleadh aig naoi uairean feasgar. Bidh so na chothrom mor do mhuinntir a tha leisg ais eiridh 'sa mhaduinn.

Tha na mathain gle phailt ann an Colchester, N. S. An latha roinhe chunnaic Edward Hyslop, fear diubh a feuchainn ri uair a mharbhadh: Thog e clach, agus thug e buille dha'n mhathan a chuir tuaineal air. Ghabh e dha an sin le sgian, agus chuir e as da am beagan mhionaidean:

D. MAC 'ILLINNEAN, TAILEIR,

SIDNI, - - C. B.

Aodaichean Sassunach agus Albanach dhe gach seorsa 's grinne 'sis fhearr, a feitheamh ri a' cur gu feum. Duine sam bith a dh' fhas a thonhas aig Mac 'Illinnean, bidh e cinnteach a deise cho cumadail 's cho fasanta 'sa gheibhear an aite sam bith.

TAGHAIL AIG

Aoghnas Domhnullach, CEANNAICHE,

SIDNI, - - - C. B.

Tha Flur, Min, Siucar, Ti, Tombaca,
Coirce, Fear, agus iomadh ni
eile aige.

R'N REIC SAOR!

THA

E. G. NIC FHIONGHAIN,

SIDNI, C. B.

A reic Measan dhe gach seorsa, Canndaidh,
Brioscaidean, Siucar, Cof, Ti, &c.

Ti, Cof, Baintie, agus deochannan stu
eile air laimh an combnuidh. Biadh air
dheasachadh an uine ghoirid.

Feuch gu' rùig thu an

ACADIA HOUSE,

far am faigh thu deagh bhargan

LEINTEAN & COLAIREAN.

ADAN AGUS CIP.

ANART & CAILEAGU (air gach pr

FLUR AGUS MIN:

NAIDHEACHDAN NA SEACHDAINN.

Tha gual Cheap Breatuinn a reic ann am Montreal bho \$3.10 gu \$3.25 an tunna.

Sgaoilidh Parlamaid Chanada mu dheireadh a mhiosa. Tha e air a radh gu bheil an cuid deasboireachd gle thioram sna lathaichean seo.

Chaidh ceithir ciad duine mharbhadh anns a mhein a chaidh na teine ann an Austria. Chaidh fear de na meineadairan a stigh le solus ruisgte, agus 'sann as a sin a 'hoisich an teine.

Chaidh fear Frederick Forgesan, a bhathadh aig Arichat air an t-seachdainn a chaidh, le tuiteam ann an tobar. Bha laigseachan buailteach dha, agus tha e coltach gu'n do thit e dha'n tobar 's e tarruing uisge.

Tha beinn *Vesuvius* anns an Eadailt a sior bhruchdail a mach teine. 'Si so a bheinn a thiodhlaic *Herulanæum* agus *Pompeii* o chionn corr 'us ochd ceud deug bliadhna. Cha'n eil a bhruchdail a th'oirre 'n drasd ach suarach 'n tacar ris mar bha i 'n'air sin.

Tha Parlamaid Breatuinn gu' sgaoileadh air an ath sheachdainn. Bidh iomadh cath teth air a chuir mu'n coinnich iad a rithist. 'Si chaidh mhor air beulaobh an t-sluaigh an drasd, an teid fein-riaghladh a thoirt do Eirinn? 'Se tim a mhaireadh' fhuasglaas a cheisd sin.

Nuair a bhios Iompaire Russia dol air turus sam bith, cuiridh e fios air feadh na duthcha gu bheil e dol do lethid so de dh'aite agus gu'm fag e 'n tigh aig am araidh. Ach 'nuair a dh'fhalbhas e, theid e calg-dhireach an aghaidh sin, air eagal gu'm bi neach sam bith an toir air, ag iarraidh cuir as da.

Tha Dr. Buchanan, air an tug sinn iomradh roimhe, anns a phrìosan ann an New York. Tha e ro choltach gu'n do chuir e crìoch air a mhaireadh le pàinsean. Tha 'bhean eile maille ris ann an New York, 's cha'n eil i deonach fhagail idir. Bi'dh an Dotair air fheuchainn aig ceirt an fhoghair, air son murt, agus theid a chumail 'sa phrìosan gu sin. Thig crìoch air an olc uair-eigin.

Bha'n t-side gle thioram o chionn beagan sheachdainnean, agus bha teintean a deanamh call mor, a losgadh choilltean agus thighean, thall sa bhos. Thainig frasan mor uisge ma dheireadh, agus rinn iad feum. Tha gach ni a cinneachadh 'sa fas ni's fhearr air an tailleabh, agus, ma bhios an t-side fabharach na dheigh so, bidh suil aig na tuathanaich ri deagh bharr. Ged a bha nithean fad air ais anns na bliadhnaichean a chaidh seachad, bidh sinn an dochas nach eil cuisean gu bhì mar sin an comhnuidh.

Thuit deich oirlich shneachda ann an Dakota Deas air Iun 5mh. Bha'n lat'ha sin cho fuar ri meadhan a gheamhrailh.

Bha Iompaire Russia ag amharc air Iompaire na Gearmailt, o chionn ghoirid. Bha Iompaire na Gearmailt ga amharc-san da uair roimhe sin, ach, gu so, cha leigeadh an eagal leis-san tigh'nn do'n Ghearmailt, mu'n cuireadh e fearg air na Frangaich, aig nach eil gaol sam bith air muinntir an duthcha sin.

Tha e air a radh gu bheil Rìgh na h-Eadailt ro-dheonach air a dhol a chogadh ris an Fhraing. Tha cuisean gle mhi-fhoiseil aig an tigh, agus tha Humbert a smaoinneachadh na'm b'urraian da cogadh a thoiseachadh, gu'n toireadh e aire 'n t-sluaigh air falbh, agus mar sin gu'm faigheadh e cothrom air gnòthraichean a cheartachadh.

Tha muinntir Cow Bay a cathachadh gu treun an aghaidh na deoch-laidir. Chaidh moran dhe'n stuth sin a ghlacadh o chionn ghoirid, 'san deigh cuirt a shtidheachadh dhoirteadh a h-uile boinne dhe air an t-sraid. Na'm biodh deoinne cho tapaidh 's cho seasmhach sin anns a h-uile aite, cha bhiodh na h-uiread de mhisgearan anns an duthaich.

Tha'n t-iasgach gu tric a deanamh aimhreit eadar Breatuinn agus na Staitean. Cha'n eil ach beagan bhliadhnaichean bho'n a bha mi-chordadh eatorra thaobh iasgach an truisg air cladaichean na h-Atlantic, agus o chionn bliadhna no dha, tha iad a connsachadh mu thimchioll marbhadh nan ron air cladaichean a Chuain Chiuin. Tha sinn a cluinntinn gu bheil iad a dol a thigh'nn gu cordadh an uine ghoirid, 's gu dearbh tha'n t-am ann. Mar is luaithe ni iad cordadh 'sann is fhearr, taobh air thaobh.

Tha muinntir nan Staitean ag ullachadh air son taghadh Ceann-suidhe (*President*). Tha zou phairtidh an deigh Benjamin Harrison ainmeachadh airson na dreuchd ard sin. Bha Blaine a deanamh a dhichill air e fein ardachadh, ach chaidh a cheir air cul. Theid, ma dh'fhaoidte, sianar no seachdnar ainmeachadh fhathast, ach 'se aona chaid *Republican* no *Democrat* a theid a thaghadh. Bi'dh muinntir nan Staitean a deanamh othail mhor mu thaghadh Ceann-suidhe, tuilleadh sa choir. Tha 'n Ceann-suidhe ri bhì riaghladh fad cheithir bliadhna, 's cha ghabh e cuir a mach mu'm bi uine suas, ge air bith de ni e. Fad nan ceithir bliadhna sin, tha e ni's cumhachdaiche na Iompaire Russia, ged a tha'm fear sin a riaghladh a dhuthaich mar a thogras e fein, gun ghuth aig sluaigh no aig Parlamaid anns a chuis idir. 'Se Harrison is Ceann-suidhe air na staitean an drasd, agus cha'n eil e mi-choltach gu'n teid a chuir a stigh fhathast.

BARGAIN.

B'fhearr leinn gu feuchadh sibh an Flur, a Mhin, an Siucar, 'san Ti a tha sinn a reic. Tha h-uile duin' ag radh gur h-ann againne gheibh iad an cunnradh a's fhearr, agus gu bheil sinn a reic ar bathair nis saoire na aon de chack.

Botainnean & Brogan air a phris a phaigheadh tu orr a anns an fhactoridh.

Fiodh agus gach ni eile air son togai thaighean *gle shair*.

C. H. HARRINGTON & CO.
Sidni, C. B.

Ma Cheannaicheas to Bathar

—BHO—

C. S. JOST & CO.,

Cha bhì aithreachas ort.

Airson ad no boineid ruig

MAIRI A. NIC FHIONGHAIN,

aig a bheil

ADAN,

BOINEIDEAN,

RIBINNEAN,

FLURACHLEAN,

ITEAN.

agus iomadh ni eile. Ad saor no daer mar a's ail leat. Tha'n ad a's saoire gle mhath, ach si'n ad a's daoire 's fhearr.

Am bheil Piano, Organ no Inneal-fhuaigheal a dhith ort? Cha'n eil inneal-ciuil ann an Canada ni's fhearr na Pianos agus Orgain "Kharm." Fhuair iad cliu mor aig Feill Halifax an uiridh.

Agus 'se 'n "Raymond" agus an "New Williams" am da Inneal-fhuaigheal a's fhearr a tha ri'm faotainn air thalamh.

Airson tuilleadh fiosrachaidh ruig, no sgrìobh gu

C. B. TRAVIS,
P. O. Box 68, Sydney, C. B.

FUILTE BHON INTRERHAL.

Gu Fear Deasachaidh Mhic-Talla:

Thainig MAC-TALLA coir a stigh an latha roimhe, is theid mise an urras gu'n deachadh furan failte a chur air.

Gun teagamh, s' airidh e air failte chridheil fheotainn aig gach cagailt far am bheil Gaidlig air a labhairt is air a leughadh.

Faodaidh na Gaidheil nach tuig a Bheur a a nis an bhi ann an cor coionnan ris a' mhuinntir sin a' tha comasach air paipeirean naigh e achd beurla a leughadh, anns am faighear naigheachdan an t-saoghail air fad s'air leud.

Tha sinn an dochas gu bheil MAC-TALLA air uidbeamachadh a mach fo dheadh stiuradh agus gu'n bi cuideachadh nan sgoilearan Gaidhlig, a's fearr aig an tigh agus thairis aige.

Tuigeamaid, ma ta, gu bheil am paipeir Gaidhlig so, air am faighear MAC-TALLA mar ainm', gu bhi air a chuir a mach uair 'san t-seachdean ann am baile Shidni, agus cha teagamh idir lenn, nach faighear 's a' paipeir mheasaid' so iomadh naigheachd, sgeul, agus eachdraidh, a bhios ro-fheumail d'a luchd leughaidh. Mile failte oirbh a' h'uile latha, ma ta, 's tha dochas againn gu bi soirbheachadh, deagh bheatha, agus saoghal fada agaibh.

Cha'n eil a bheag de naigheachd ur no annaich agam ri innse ar diugh, agus air an sobhar sin fheir mi mo litir bheag gu crich. Theagamh gu'n cluinn sibh uam a rithist. An latha a chi s'nach fhaic, is mise, le gach deagh ghuidhe, ur caraid dileas.

A. B. C.

Acarsaid Chloinn Fhionghain, C. B.

UR-SGEUL BHO ABHUINN MARGAREE.

Fhuair mi a chead aireamh do Mhac-TALLA. Chord aogag ruin fior mhath. Bha roinn do dh'iohnadh orm nach d'fhuair sibh, fhir-dheasachaidh, na bha dhith oirbh do dh'fhir-aontachaidh, ach cha'n eil teagamh agam nach faigh sibh eunntas mor re beagan uine.

Tha spiorad nan Gael a dh'fhalbh beo fhathast an iantinn an cigridh, agus tha mi gle chinnteach gu'm brosnach sgeul air MAC-TALLA suas an disleachd gu cairnt a sinnsreadh a chumail suas, agus gu'n euidich iad an ionnsaidh ion-mholta so air gach seol a tha na'n comas.

Tha'n roinn as mo do'n tuath deas do'n ehuirachd, agus tha 'n t-side gle fhobharach do'n bharr, o chienn da sheachdunn. Bha reodhadh ann oichdeh Di-sathuir e sa chaidh; ach se mo bharrail nach d'rinn e mor chron.

Tha na raointean sa choille air tuar a gheamhraidh a chur air chul, agus dreach aluinn a bhlaiths a ghlacadah. Tha 'm bearnan-bride a sgeadaoch gach maigh, agus tha sealladh briagha ri fhaicain air slios na h-aibhne gu leir.

Tha mi gle chinnteach gu bheil na baird a mach sa mhoch-thra sa'n am so, ag eisdeachd le tlachd ri ceileiradh nan eum, 's ag ambarc le solas air gach maise 'tha sgaolte mu'n cuairt. Ma ni iad duanag o am gu am, tha mi 'n earbsa nach di-chuimhnich iad an cuir gu MAC-TALLA.

Chumacas mathan air feadh na ceairn so o chionn uine ghoirid. Ged tha math na ainm, cha'n eil math na ghoimh. Mharbh e caoirich air duine na dha mu'n cuairt; 's tha mi 'n dual gu'n d'fhuair e air falbh gun chlisgeadh a chuir na mntinn, no luaidhe na e' aig.

Le iomadh durachd mhath do Mhac-TALLA bidh mi sgur an drasda; ach cuiridh mi fios ugaibh fathast 'n uair a gheibh mi seair.

OCH-A-NISE.

Chuir an Soitheach-smuid "Harlaw" air tir gu

COINNEACH R. MAC COINNICH,

SIDNI TUATH, C. B.

- 150 baraile Siucair,
- 250 " Fluir,
- 100 " Min Choirce,
- 10 " Molasses,
- 100 bocsa Tombaca.
- 200 ciste Ti a Lunnain.

Fcol air a spioradh, agus mozan de sheorsaichean eile nach gabh ainmeachadh ar so. Faiceadh gach neach air a shon fein.

Tha so air a chumail do

D. W. MACFHIONGHAIN,

Sidni & Sidni Tuath.

Taghail aig Stor

MATHESON, TOWNSEND & CO.,

agus faic na tha aca de

Bhathar de gach seorsa,

agus e ri reic gu saor.

Math ar Duthcha tha 'nar beachd.

COMHRADH.

"De'n uair a tha e?"
 "Tha e coig mionaidean an deigh tri."
 "Ciamar a tha fios agad?"
 "Nach do sheall mi air m' uaireadear."
 "Dh'fhaoidte gu bheil an t-uaireadear sin ro-luath."

"Cha'n eil e luath no mall riamh or a chaidh a chuir air doigh mu'n am so 'n uiridh. Bha e roimhe sin cho mi-dhoigheal 'sa bha 'leithid riamh, air aon spoig, 'se cho glicach 's nach b' urrainn dhomh feum sam bith a dheanamh dheth. Ach an draeda 'se uaireadear cho math sa tha 'san duthaich."

"Co 'charaich e?"
 "O, nach be cheist e! Charaich"

GUZZWELL & RHODES,

ann an Sidni, feadhainn da 'm b'aitheas charadh."